

Mbeti nœ Yuda Tshatshu o'o

Uzu á tshe sù mbeti asœ kœdœ Yuda. Œshe kœdœ aya Jake yé azu gbe adœke Yisu kœdœ lima ɔgbɔ nœ endje. Mbeti nœ ye asœke mbœerœ ɓata œ li dœ bisha mbeti nœ Petro.

Yuda sù mbeti nœ ye fœ azu á Ndjaba ke endje. Tshe sœ kœpa fœ endje adœke ala endje gbɔ dœ azu á endje sœ kœyisœ œrœ á sœ kpi tœ ɔtshɔ O'o. ɔtshɔ endje gaga nene yé œ sœ kœma adœke endje dœdœ azu nœ Yisu nene. Tshe pa ndje ndœ mara á Ndjaba œ wa o'o ga tœ azunœ á endje sœsœ kœmbœerœ ɔtshœrœ nene ascœmœ.

Mbetinœ kurutshelœtœ ye atake:

- Tshatshu o'o (1-2)
- Aayi kœyisœrœ dœ wala (3-16)
- Kœka ngbiri lœ kœyindœrœ (17-23)
- Ndɔngɔɔ avwala (24-25)

Abala

¹ Œmœ Yuda, aya Jake, œmœ ayi akwa nœ Yisu Kristu, mœ sœ kœsu mbetinœ asœke fœ 'e dœ azu á Aba dœ Ndjaba ke 'e, á yindœ 'e yé á sœ kœgbɔndœ 'e mbœerœ Yisu Kristu.

² Kaka Ndjaba wu oyo 'e yé œ za kœsœ gee œdœ kœyindoesho nœ waa dœ waa fœ 'e.

Aayi kœyisœrœ dœ wala

³ 'E dœ aaya mœ á mœ yindœ 'e, mœ sœ ɓalima dœ gbetshelœ kœsu mbeti fœ 'e tœ o'o nœ kœshe á Ndjaba za fœ azœ dœ 'e. Œ li dœ mœ kœsu

mbetinœ asœ ndœ kœza kœru łsu fœ 'e, á kœza gbɔgbɔ tœ kœnga pa kœyindœrœ á 'e sœ dœ tœnœ waa dœ waa ga ndœ Kristu.

⁴ Mœ su mbetinœ mbœrœ ekpe azu á endje li yaa ga ugurutœ 'e, á sœ kœdjingili tshelœ o'o tœ upu nœ Ɔtshɔ łsu nœ Ndjaba yeka á kœmbœrœ ngbĩndĩrœ nœ endje. Endje vwaratœ endje tœ Yisu Kristu á tshe dœ Ayengɔ azœ œdœ Gbozu tshebale nœ azœ. Kashe endje sú ala œyerœ Buku nœ Ndjaba ngbi adœke, Ndjaba œ wa bala œgbɔ ngbanga ga tœ endje.

⁵ 'E wusœ œneke kɔ á mœ yindœ kœpa fœ 'e dœ ɔtshɔnœ. 'E gbe dœ mara á Ndjaba she lima azu Israyele ɓa lœ ogo Ezipito, yé manda nœ tshe kpa wo lima endjeneke á endje vvara lima tœ endje tœ kœdji o'o ama ye.

⁶ 'E gbe ndje dœ anga aandjelu á endje sœsœ lima dœ yanga kœmbœrœ akwa tœ osho á Ndjaba za lima fœ endje nene, yé á katœ osho nœ endje ti. Ndjaba i endje dœ djingiri ga tœnœ waa dœ waa, œ ko endje va ga lœ ubu osho œerrr ga tœ egerœ olo kœwa ngbanga.

⁷ 'E kpa gbe dœ Sodomo dœ Gomora œdœ pe anga tshalakpi kɔ á sœ lima indĩrĩnœ kane. Azu tshalakpinœ za lima tœ endje djigi ndœ kœmbœrœ œrœ tshula ɓata kœna manda aandjelunœ. Endje mbœrœ angba budu dœ azu á lili má adœke endje mbœrœ dœ endje nene. Ngɔngɔ asœ, endje ko endje va gala owo á ka nene yeka ala uzu kɔ kœgbɔ mbœrœ tœnœ.

⁸ Azunœ á endje li ga ugurutœ 'e asœmœ mbœrœ mara œrœ ataa. Gbetshelœ nœ endje sœ kœvwa endje adœke endje ndĩtœ endje ndœ

kœmboerœ angba budu, endje vwaratœ endje adœke Ndjaba doédœ Gbozu nœ endje nene yé œ sœ kœgu œsœ ishiri mokœ nœ tshalafo.

⁹ Kashe Mikayele, gbozu tshapa aandjelu mbœmboerœ lima ataa nene. Lœkœ á tshe sœ lima kœshara upu dœ djaboro mbœerœ oko Moyize, tshe tshetshene lima djaboro nene, kashe tshe pa lima fœ she adœke: «Kaka Gbozu dœ tœ ye za djofele fœ bœ.»

¹⁰ Azunœ ascœmœ tshene lima œerœ á endje wuwu lima sœ nœ nene, endje lœ bata agea á endje gugu dœ kœwusœerœ nene á sœ kœkotoe endje ve ga lœ kuzu.

¹¹ Oyo nœ endje, mbœerœ á endje za awa Kayina. Mbœerœ ogo ngendja, endje za awa Balaame yé endje tshu mbœerœ á endje mbœerœtœ endje bata Kore á tshe oma lima dœ Moyize.

¹² Lœkœ á 'e ngbœtœ 'e ndœ kœzi rœgo yazu yé œdœ endje kœsœ ugurutœ 'e, mara kœmboerœtœ endje œ za tshula waa. Gbambanœ nene, endje mbœerœ lœsu, œ gbe utshunœ dœ uvu endje dœ tœ endje yé endje gugu dœ tshula nene. Endje sœ bata ondoro tshalafo á yugu sœ kœro dœ toœnœ kashe yavuru œ ni manda nœ nene. Endje sœ bata œyo á le nene ataa olonœ kœli, too endje sœ bata œyo á endje dji balima ga ati adœke œ kœœrœ.

¹³ Endje li dœ loko tshatœ ama kota. Endje mbœerœ œerœ tshula bata mara á furutsha œ wuta manda loko. Endje sœ bata angerepe á gitœ endje tœ œscœnœ, yé Ndjaba guma osho kœsœ ba lœ ubu osho kate endje adœke endje sœ kpœmœ ngbugu dœ ngbugu.

¹⁴ Ba lœ bingi nœ Adamo, Enoke kœdœ lima uzu

tøe mindu døe bisha læ aata uzu. Tshe gbara lima tøe upu nõe azunøe adøeke, Gbozu søe køena awa bale døe aandjelu nõe ye kutu døe kutu,

¹⁵ mbøerøe køewa ngbanga pa azu para køkø. Tshe wa øgbø ngbanga pa endjeneke á endje vwaratøe endje tøe ye, mbøerøe ekperøe nõe endje ødøe pe ekpe o'o køegusho kø á endje pa døe i'iri ye.

¹⁶ Azunøe asøemøe pu lima læ ama endje olo para á endje søe døe oyo. Endje te lima koløe manda ogo undu endje døe tøe endje yé øe søe lima køeu azu koløe mbøerøe køegbø øerøe.

¹⁷ Kashe e'e døe aaya mõe á mõe yindøe 'e, 'e gbe døe o'o á aayi avwa nõe Gbozu nõe azøe døe Yisu Kristu pa lima føe 'e utshunøe kane.

¹⁸ Endje pa lima føe 'e adøeke: «Døe ndøngølbø osho, anga azu øe tetøe køeyiangba Ndjaba, endje tetøe køemø 'e yé øe søe køena manda ogo undu endje døe tøe endje.»

¹⁹ Adja azunøe asøemøe, endje yi o'o ga ugurutøe azu adøeke endje kurutsheløetøe endje, Ishiri nõe Ndjaba gugu læ endje nene yé endje te manda gbetsheløe nõe endje ßata azuzu.

²⁰ Kashe e'e døe aaya mõe á mõe yindøe 'e, 'e søepe koløe køeza soro 'e ga pa køeyindøerøe nõe 'e á søe yerøe. 'E za avwala føe Ndjaba døe gbøgbø nõe Øtshø Ishiri.

²¹ 'E gbøndøe ayo nõe Ndjaba ga tøe løsu 'e, øe za ga tøe akwa mbøerøe køkate løkø á Gbozu Yisu Kristu øe wu oyo 'e á za soro neke á ka nene føe 'e.

²² 'E wu oyo azu á endje læpe damba læ sharapu.

²³ Øe søe ßata endje yo ga tawo, yé 'e gbota endje la owonøe kashe 'e wu oyo anga endje døe gbødjela døe øe yiangba øerøe kø á endje mbøerøe. 'E gogoro

lœba nœ endje nene mbœerœ 'e ndi dœ ekpe akwa nœ endje.

A za mokɔ fœ Ndjaba

²⁴ A za mokɔ fœ Ndjaba á tshe sœ dœ gbɔgbɔ nœ kœgbɔndœ 'e adœke 'e yoyo nene. Tshe mbœerœ adœke 'e wuta yerœ ga utshu mokɔ nœ ye dœ egerœ yanga.

²⁵ Œshe kœdœ Ndjaba tshebabale á tshe dœ ayi kœshe azœ lœ awa nœ Gbozu nœ azœ dœ Yisu Kristu. Tshe sœ dœ mokɔ, tœ egerœ uzu, dœ gbɔgbɔ, dœ tshagbozu, kœto utshu œerœ kɔ, ngɔngɔ asœke œerrr waa dœ waa! Ame.

TAF0 AYO
The New Testament in the Manumanaw languieg of
Myanmar

copyright © 2020 Wycliffe Bible Translators, Inc. and ACOTBA-SUBO

Language: Manumanaw

All rights reserved.

2024-07-29

PDF generated using Haiola and XeLaTeX on 5 Apr 2025 from source files
dated 29 Jul 2024

40e3c5cb-c2ea-5cf8-8a40-4c6f77a45343